

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1394/22  
Sarajevo, 21.7.2022. godine

**Z A P I S N I K**  
**19. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 7.7. i 21.7.2022. godine**

Sjednica je počela sa radom u 12:17 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, goste te one koji prate rad putem video prijenosa.

Izostanak sa sjednice su najavili: Nikica Bosnić, Goran Broćeta, Mladen Lonić, Dragana Damjanović, Senad Čeljo, Ilija Nakić, Rasim Kantarević, Elmedin Konaković i Drago Puzigaća.

Prema evidenciji Stručne službe sjednici prisustvuje 30 delegata što čini većinu pa Dom naroda može raditi i punovažno odlučivati.

Prije prelaska na dnevni red, predsjedavajući je predložio usvajanje Zapisnika sa 18. sjednice Doma naroda Parlamenta Federacije BiH, održane 26.5. i 9.6.2022. godine.

Na osnovu rezultata glasanja, predsjedavajući je konstatirao da je Dom naroda, sa 29 glasova za, bez suzdržanih glasova i bez glasova protiv, usvojio Zapisnik sa 18. sjednice Doma naroda, održane 26.5. i 9.6.2022. godine.

Prije utvrđivanja dnevnog reda, a na osnovu člana 104. Poslovnika o radu Doma naroda, delegati mogu postaviti delegatska pitanja i pokretati inicijative.

**Jasmin Duvnjak** je postavio više pitanja.

Prvo pitanje je postavio Vladi Federacije BiH u vezi neizvršenih odluka Europskog suda za ljudska prava, Ustavnog suda BiH i Ustavnog suda FBiH.

Drugo pitanje je postavio Vladi Federacije BiH u vezi iznalaženja rješenja za deblokadu računa Agencije za privatizaciju FBiH koji je blokiran sudskom presudom.

Treće pitanje je postavio Naftnim terminalima FBiH, u vezi dopuštanja Uredu za reviziju FBiH da izvrši reviziju i kontrolu poslovanja Naftnih terminala FBiH.

Četvrto pitanje je postavio Vladi Federacije BiH u vezi postojanja Vladine institucije, agencije, zavoda ili ministarstva, koji se bavi pitanjem odlaska mladih i uopšteno odlaska građana BiH.

Inicijativu je uputio prema Vladi Federacije BiH u vezi zaključka koji je odbijen a vezan je za rekonstrukciju modernizacije nogometnog stadiona Bilino polje u Zenici.

**Senad Alić** je obavijestio prisutne da će zbog održavanja Akademije u Tuzlanskom kantonu u Opštini Sapna, povodom Marša mira za Srebrenicu delegati iz Tuzlanskog kantona napustiti sjednicu u 15 sati.

**Boris Krešić** je zajedno sa delegatkinjom Sandrom Imširović podnio Inicijativu za novčanu pomoć Lani Pudar za učešće u međunarodnim takmičenjima, u smislu da se obavezuje Federalno ministarstvo kulture i sporta da obezbjedi novčana sredstva za pokriće troškova Evropskog seniorskog prvenstva u Rimu i Svjetskog juniorskog prvenstva u Peruu za „Zlatnu Lanu Pudar“.

**Alisa Hajdarović** je zatražila da joj Federalno ministarstvo okoliša i turizma dostavi podatke za 2021. godinu na ista delegatska pitanja sa prethodne sjednice.

**Damir Marjanović** je postavio pitanje Federalnom ministarstvu obrazovanja i nauke u vezi starosti udžbenika koji su distribuirani po školama u Federaciji BiH.

Sljedeće pitanje je postavio Federalnom ministarstvu, ali i kantonalnim ministarstvima u vezi postojanja analize oko broja tih starih udžbenika na tržištu.

**Sandra Imširović** je uputila inicijativu u ime svih delegata koji dolaze iz Tuzlanskog kantona, a radi se o Inicijativi za dopunu Odluke o listi lijekova Fonda solidarnosti Federacije BiH radi izjašnjavanja u Domu naroda.

**Zvonko Marić** je postavio pitanje Vladi Federacije BiH i premijeru Novaliću u vezi poduzimanja aktivnost na realizaciji pomoći građanima zbog porasta cijena u BiH.

Drugo pitanje je postavio Vladi Federacije BiH u vezi postojanja strateškog plana u slučaju povratka Kovida u BiH, odnosno u Federaciju BiH, jer su takve aktivnosti po Evropi već u fazi realizacije.

Treće pitanje je postavio Vladi Federacije BiH u vezi postojanja strateškog plana u slučaju nestanka gasa, naftnih derivata i nafte te u vezi odlaska mladih.

**Vesna Saradžić** je postavila pitanje Vladi Federacije BiH u vezi trenutne situacije oko povećanja cijena na tržištu i poduzimanja aktivnosti na tom planu.

**Damir Džeba** je postavio dva pitanja.

Prvo pitanje je postavio nadležnom Ministarstvu i Vladi Federacije u vezi faze procesa konačnog imenovanja direktora FUP-a.

Drugo pitanje je postavio Upravnom odboru, direktoru i Programskom vijeću FTV-a, u vezi pobrojanog iznosa napisanih kazni i zatražio da mu se dostave tačni podaci.

**Ivan Ivić** je uputio Inicijativu Vladi Federacije BiH, da razmotri i uputi prijedlog Vijeću ministara o modifikaciji ili ukidanju Odluke o zabrani izvoza peleta i ognjenog drva jer je Vlada dala saglasnost za donošenje navedene Odluke.

**Aner Žuljević** je postavio dva pitanja.

Prvo pitanje je postavio Željeznicama Federacije, i zatražio da mu se dostave informacije o ostvarenim prihodima po osnovu fakturisanja prema Elektroprivredi BiH kada je u pitanju prijevoz uglja za 2018., 2021., odnosno 2022.?

Drugo pitanje je postavio ministrici finansija u vezi postanka željezničkog prometa, najracionalnijom alternativom u situaciji kada gorivo praktično divlja i cijene su nekontrolisane, te nedopuštanja izmjene metodologije obračuna izdavanja fiskaliziranog prometa na način da se osigura i obezbjedi Željeznicama mogućnost da nabave automate za izdavanje karata.

**Hadis Jusić** je postavio pitanje VSTV-u, odnosno Visokom sudskom i tužilačkom vijeću, u vezi poduzimanja aktivnosti na razrješavanju slučaja krađe u Tužilaštvu Unsko-sanskog kantona u martu ove godine.

Drugo pitanje je postavio premijeru Novaliću vezano za fazu izgradnje magistralne ceste Bihać Bosanska Krupa.

**Zvonko Marić** je uputio kritiku Vladi Federacije BiH zbog nedostavljanja odgovora na postavljena pitanja.

Potom se prešlo na utvrđivanje dnevnog reda.

**Boris Krešić i Senad Alić** su istakli da traže uvrštavanje Inicijative koja se odnosi na izmjenu liste esencijalnih lijekova.

Predsjedavajući je dao kratku pauzu radi konsultacija u vezi ove inicijative.

Nakon pauze, predsjedavajući je saopštio da je dogovoreno da se stavi na glasanje za uvrštavanje u dnevni red Prijedlog zaključka Doma naroda o potrebi dopune odluke o listi lijekova Fonda solidarnosti FBiH, u dijelu kako ga je predložila grupa delegata iz Tuzlanskog kantona.

Na osnovu rezultata glasanja, predsjedavajući je konstatirao da je ovaj Prijedlog izmjene dnevnog reda dobio potrebnu većinu, sa 31 glasom za, bez suzdržanih i bez glasova protiv.

**Boris Krešić** je predložio da se u dnevni red 19. sjednice Doma naroda Parlamenta Federacije BiH uvrste sljedeće tačke: Nacrt zakona o izmjenama i dopunama Zakona o unutrašnjoj trgovini, Nacrt zakona o dopunama Zakona o zaštiti od nasilja u porodici.

Predsjedavajući je saopštio da bi se ove tačke mogle uvrstiti u dnevni red, potrebno je poduzeti korake da se ta dva zakona nađu u proceduri kako to nalaže Poslovnik, jer formalno-pravno ovi zakoni nisu u proceduri u Domu naroda.

U diskusiji oko uvrštavanja ove tačke u dnevni red, učestvovao je i Vibor Handžić.

Vlada Federacije BiH dostavila je sljedeće prijedloge zakona s prijedlogom da se isti razmatraju po skraćenom postupku i to: Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, Prijedlog zakona o izmjenama i dopunama Zakona o upravnom postupku, Prijedlog zakona o Fondu za zaštitu okoliša i energijskoj efikasnosti FBiH i Prijedlog zakona o izmjeni i dopuni Zakona o platama i drugim naknadama sudija i tužilaca u Federaciji Bosne i Hercegovine.

Predstavnički dom nije razmatrao Prijedlog zakona o Fondu za zaštitu okoliša i energijskoj efikasnosti FBiH po skraćenom postupku, nego je isti razmatrao u redovnoj proceduri odnosno u formi Nacrta zakona.

Kolegij doma je predložio da ovaj dom također razmatra ovaj zakon u formi Nacrta zakona.

Na osnovu rezultata glasanja, predsjedavajući je konstatirao da je Dom naroda sa 36 glasova za, uz jedan suzdržan i bez glasova protiv, prihvatio da se Prijedlog zakona o Fondu za zaštitu okoliša i energijskoj efikasnosti FBiH razmatra u formi Nacrta zakona.

Predstavnički dom Parlamenta Federacije BiH nije prihvatio da se Prijedlog zakona o izmjenama i dopunama Zakona o platama i drugim naknadama sudija i tužilaca u Federaciji Bosne i Hercegovine razmatra po skraćenom postupku, nego je isti vratio u redovnu proceduru, tj. u formu Nacrta zakona.

Kolegij Doma naroda je predložio da Dom naroda razmatra ovaj zakon također u formi nacrta.

Na osnovu rezultata glasanja, predsjedavajući je konstatirao da je Dom naroda sa 35 glasova za, bez suzdržanih i uz jedan glas protiv, prihvatio prijedlog da se Prijedlog zakona o izmjenama i dopunama Zakona o platama i drugim naknadama sudija i tužilaca u Federaciji Bosne i Hercegovine razmatra u formi Nacrta zakona.

Na osnovu rezultata glasanja, predsjedavajući je konstatirao da je Dom naroda sa 37 glasova za, bez suzdržanih i bez glasova protiv, prihvatio da se Prijedlog zakona o dopuni Zakona u utvrđivanju naseljenih mjesta i o izmjenama u nazivima naseljenih mjesta u određenim općinama razmatra po skraćenom postupku.

Na osnovu rezultata glasanja, predsjedavajući je konstatirao da je prijedlog da se Prijedlog zakona o izmjenama i dopunama Zakona o upravnom postupku dobio potrebnu većinu, sa 36 glasova za, jednim suzdržanim glasom i bez glasova protiv.

Na osnovu rezultata glasanja, predsjedavajući je konstatirao da je Dom naroda sa 37 glasova za, bez suzdržanih i bez glasova protiv usvojio sljedeći:

## D N E V N I R E D

1. Odluka Ustavnog suda Bosne i Hercegovine, broj: U-16/21 od 26.5.2022.godine,
2. Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama – skraćeni postupak,
3. Prijedlog zakona o izmjenama i dopunama Zakona o upravnom postupku – skraćeni postupak,
4. Prijedlog zakona o provođenju odluka sudova,
5. Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata,
6. Prijedlog zakona o dopunama Zakona o električnoj energiji u Federaciji Bosne i Hercegovine,
7. Nacrt zakona o Fondu za zaštitu okoliša i energetske efikasnost Federacije Bosne i Hercegovine
8. Nacrt zakona o izmjeni i dopuni Zakona o plaćama i drugim naknadama sudija i tužilaca u Federaciji Bosne i Hercegovine
9. Nacrt zakona o izmjenama i dopunama Zakona o vraćanju, dodjeli i prodaji stanova,
10. Nacrt zakona o izmjenama i dopunama Krivičnog zakona Federacije Bosne i Hercegovine,
11. Nacrt zakona o izmjenama i dopunama Zakona o Agenciji za privatizaciju,
12. Nacrt zakona o sportskim klubovima u Federaciji Bosne i Hercegovine, (predlagači: Jasmin Duvnjak i Žarko Vujović, delegati u Domu naroda),
13. Nacrt zakona o posebnom registru osoba pravosnažno osuđenih za krivična djela protiv spolne slobode i morala prema djeci i malodobnicima u Federaciji Bosne i Hercegovine, (predlagači: Jasmin Duvnjak i Aner Žuljević, delegati u Domu naroda),
14. Nacrt zakona o kinematografiji i audiovizuelnom stvaralaštvu Federacije Bosne i Hercegovine (predlagač: Aljoša Čampara, delegat u Domu naroda),
15. Prijedlog odluke o prihvatanju zaduženju po Ugovoru o zajmu između Bosne i Hercegovine i Međunarodne banke za obnovu i razvoj (IBRD) za Projekt modernizacija vodnih i sanitarnih usluga,

16. Zaključak o dopuni Odluke o Listi lijekova Fonda solidarnosti Federacije BiH (predlagači: grupa delegata iz Tuzlanskog kantona),
17. a) Izvještaj o radu i poslovanju Radiotelevizije Federacije Bosne i Hercegovine za period januar - decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31. decembar 2018. godine,  
b) Izvještaj o radu i poslovanju Radiotelevizije Federacije Bosne i Hercegovine za period januar- decembar 2019. godine i Finansijski izvještaj za period koji se završava na dan 31. decembar 2019. godine i Izvještaj nezavisnog revizora,
18. Godišnji izvještaj o poslovanju Javnog preduzeća "Željeznice Federacije Bosne i Hercegovine", d.o.o. Sarajevo za 2019. godinu,
19. Analitički izvještaj o radu Fonda za zaštitu okoliša Federacije BiH za 2018. godinu,
20. Izvještaj o radu „Sarajevoputevi“, d.d., Sarajevo za 2018. godinu,
21. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7.- 31.12.2020. godine,
22. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2019. godinu,
23. Izvještaj o radu Fonda za profesionalnu rehabilitaciju i zapošljavanje osoba sa invaliditetom za 2019. godinu, Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom za 2019. godinu, Izvještaj o radu Nadzornog odbora Fonda za profesionalnu rehabilitaciju i zapošljavanje osoba sa invaliditetom za 2019. godinu i Izvještaj o izvršenju Finansijskog plana Fonda za profesionalnu rehabilitaciju i zapošljavanje osoba sa invaliditetom za 2019. godinu,
24. Izvještaj o poslovanju BH Gas d.o.o. Sarajevo za 2019. godinu,
25. Izvještaj o poslovanju Agencije za bankarstvo Federacije Bosne i Hercegovine za 2020. godinu sa Informacijom o subjektima bankarskog sistema Federacije Bosne i Hercegovine sa stanjem na dan 31.12.2020. godine i Izvještaj o radu Ombudsmena za bankarski sistem Federacije Bosne i Hercegovine za 2020. godinu,
26. Izvještaj o poslovanju JP Međunarodni aerodrom „Sarajevo“ d.o.o. za 2020. godinu i Informacija o smanjenju plate radnicima sa planom nadoknade gubitaka plata radnicima u 2020. godini zbog pandemije COVID 19,
27. Izvještaj o zaduženju Federacije Bosne i Hercegovine po osnovu emisije obveznica (Aukcija 12.11. 2019. – 5Y – 30 mil.),

28. Izvještaj o zaduženju Federacije Bosne i Hercegovine po osnovu emisije obveznica na dan 3.12.2019. godine.

### **1. Odluka Ustavnog suda BiH broj U-16/21 od 26.05.2022., godine**

Ustavni sud BiH je Parlamentu Federacije BiH dostavio odluku Ustavnog suda BiH broj: U-16/21 na dalje postupanje.

U raspravi niko nije učestvovao.

Na osnovu rezultata glasanja predsjedavajući je konstatirao da je Dom naroda sa 33 glasa za, bez suzdržanih i bez glasova protiv, usvojio sljedeći:

#### **ZAKLJUČAK**

Zadužuje se premijer Federacije BiH da u skladu s Ustavom Federacije BiH osigura izvršenje odluke Ustavnog suda BiH broj: U-16/21 od 26.05.2022. godine.

### **2. Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama – skraćeni postupak**

Tekst Prijedloga Zakona uvrđila je uvrđila Vlada FBiH.

Predstavnički dom je obavijestio Dom naroda da je na svojoj 33. sjednici održanoj 6.6. 2022. godine, usvojio Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela.

Prijedlog zakona obrazložio je predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatirao da je Dom naroda sa 34 za, bez glasova protiv i bez suzdržanih usvojio Prijedlog zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

### **3. Prijedlog zakona o izmjenama i dopunama Zakona o upravnom postupku - skraćeni postupak**

Prijedlog zakona je utvrdila Vlada Federacije BiH.

Predstavnički dom je obavijestio Dom naroda da je na svojoj 34. sjednici, održanoj 28.6.2022. godine usvojio Prijedlog zakona u tekstu kako ga je predložila Vlada FBiH.

Prijedlog zakona obrazložio je predstavnik Vlade Federacije BiH.

U raspravi niko nije učestvovao.

Na osnovu rezultata glasanja predsjedavajući je konstatirao da Dom naroda nije prihvatio Prijedlog zakona o izmjenama i dopunama Zakona o upravnom postupku, sa 27 glasova za, četiri suzdržana glasa i jednim glasom protiv.

Jasmin Duvnjak, predsjednik Kluba delegata bošnjačkog naroda je zatražio pojedinačno izjašnjavanje.

Sekretar Doma naroda Izmir Hadžić je izvršio pojedinačno izjašnjavanje.

Nakon pojedinačnog izjašnjavanja delegata, predsjedavajući je konstatirao da je Dom naroda sa 40 glasova za, bez glasova protiv i bez suzdržanih glasova, usvojio Prijedlog zakona o izmjenama i dopunama Zakona o upravnom postupku.

#### **4. Prijedlog zakona o provođenju odluka sudova**

Tekst Prijedloga Zakona utvrdila je Vlada Federacije BiH.

Predstavnički dom je obavijestio Dom naroda da je na svojoj 18. sjednici usvojio Prijedlog zakona o provođenju odluka sudova u tekstu kako ga je predložila Vlada FBiH.

Prijedlog zakona razmatrala su i nadležna radna tijela.

Predstavnik Vlade Federacije BiH obrazložio je Prijedlog zakona.

U raspravi su učestvovali Boris Krešić, Aner Žuljević, Jasmin Duvnjak i predstavnik Vlade Federacije BiH.

Na osnovu rezultata glasanja, predsjedavajući je konstatirao da Dom naroda, sa 13 glasova za, 12 suzdržanih glasova i osam glasova protiv nije prihvatio Prijedlog zakona o provođenju odluka sudova.

#### **5. Prijedlog zakona o organizacijama i reprezentativnim organizacijama osoba sa invaliditetom i civilnim žrtvama rata**

Tekst Prijedloga Zakona utvrdila je Vlada Federacije BiH.

Predstavnički dom je obavijestio Dom naroda da je na svojoj 30. sjednici usvojio Prijedlog zakona o organizacijama i reprezentativnim organizacijama osoba sa invaliditetom i civilnim žrtvama rata, s tri amandmana koje je Vlada Federacije BiH prihvatila, pa su postali sastavni dio Prijedloga zakona.



Na Prijedlog zakona amandmane su podnijeli:

- Jasmin Duvnjak podnio je tri amandmana;
- Klub delegata hrvatskog naroda podnio je pet amandmana;

Amandmane su dostavili Vladi Federacije BiH na izjašnjenje i Vlada Federacije BiH se izjasnila da ne prihvata ni jedan od ovih amandmana.

Prijedlog zakona obrazložio je Vesko Drljača, federalni ministar rada i socijalne politike.

U raspravi je učestvovala Iva Raguž.

**Jasmin Duvnjak** je zatražio kratku pauzu od pet minuta radi kratkih konsultacija sa Ivom Raguž, resornim ministrom i članovima Kolegija u vezi amandmana.

**Ivo Tadić** je nakon pauze saopštio predsjedavajućem da Klub delegata hrvatskog naroda odustaje od Amandmana I i V, te istaknuo da Klub delegata hrvatskog naroda traži izjašnjavanje po Amandmanu II, III i IV.

**Jasmin Duvnjak** je istaknuo da odustaje od Amandmana III i da ostaje pri Amandmanima I i II.

Potom se prešlo na glasanje o amandmanima.

Na osnovu rezultata glasanja, predsjedavajući je konstatirao da je amandman II Kluba delegata hrvatskog naroda na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata prihvaćen sa 33 glasa, bez suzdržanih i bez glasova protiv.

Na osnovu rezultata glasanja, predsjedavajući je konstatirao da je amandman III Kluba delegata hrvatskog naroda na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata prihvaćen sa 33 glasa za, bez suzdržanih i bez glasova protiv.

Na osnovu rezultata glasanja, predsjedavajući je konstatirao da je amandman IV Kluba delegata hrvatskog naroda na Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata prihvaćen sa 34 glasa za, jednim suzdržanim glasom i bez glasova protiv.

Na osnovu rezultata glasanja, predsjedavajući je konstatirao da je amandman I Jasmina Duvnjaka prihvaćen sa 33 glasa za, uz jedan suzdržan glas i bez glasova protiv.

Na osnovu rezultata glasanja, predsjedavajući je konstatirao da je amandman II prihvaćen sa 33 glasa za, uz jedan glas protiv i bez suzdržanih glasova.

Na osnovu rezultata glasanja, predsjedavajući je konstatirao da je Dom sa 35 glasova za, bez glasova protiv i bez suzdržanih glasova usvojio Prijedlog zakona o organizacijama i reprezentativnim organizacijama osoba sa invaliditetom i civilnih žrtava rata.

## **6. Prijedlog zakona o dopunama Zakona o električnoj energiji u Federaciji Bosne i Hercegovine**

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na svojoj 33. sjednici, održanoj 6.6.2022. godine, usvojio Prijedlog zakona o dopunama Zakona o električnoj energiji u Federaciji BiH u tekstu kako ga je predložila Vlada Federacije BiH.

Tekst Prijedloga zakona razmatrala su i nadležna radna tijela.

Prijedlog zakona obrazložio je Halko Balavac, pomoćnik ministra Federalnog ministarstva energije, rudarstva i industije.

U raspravi su učestvovali Zdenka Džambas i Jasmin Duvnjak.

Na osnovu rezultata glasanja, predsjedavajući je konstatirao da je Dom naroda sa 33 glasa za, uz jedan suzdržan i bez glasova protiv, usvojio Prijedlog zakona o dopunama Zakona o električnoj energiji u Federaciji BiH.

## **7. Nacrt zakona o Fondu za zaštitu okoliša i energijsku efikasnost Federacije Bosne i Hercegovine**

Tekst nacrta zakona je utvrdila Vlada Federacije BiH.

Predstavnički dom obavijestio je Dom naroda da na 5. sjednici, održanoj 24.9.2019. godine, nije razmatrao Prijedlog zakona o Fondu za zaštitu okoliša i energijsku efikasnost Federacije BiH po skraćenom postupku, nego ga je razmatrao u redovnoj proceduri i Zaključkom ga prihvatio.

Tekst Nacrta zakona su razmatrala nadležna radna tijela.

Nacrt zakona obrazložila je Edita Đapo.

U raspravi je učestvovala Alisa Hajdarović.

Predsjedavajući je zamolio sekretara da izvrši prozivku da se utvrdi tačno brojčano stanje.

Predsjedavajući je saopštio da je prisutno 30 delegata, te da postoji kvorum za rad.

Na osnovu rezultata glasanja, predsjedavajući je konstatirao da Dom naroda sa 19 glasova za, šest suzdržanih glasova i pet glasova protiv, nije usvojio sljedeći:

### **ZAKLJUČAK**

1. Dom naroda Parlamenta Federacije BiH prihvata Nacrt zakona o Fondu za zaštitu okoliša i energetske efikasnosti Federacije BiH i smatra da može poslužiti kao osnov za izradu Prijedloga zakona.

2. Zadužuje se predlagač da organizira i provede javnu raspravu u trajanju od 60 dana u skladu procedurama utvrđenim u Ustavu Federacije za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije BiH da ovaj Zaključak i Nacrt zakona o Fondu za zaštitu okoliša i energijsku efikasnost Federacije BiH dostavi kantonalnim skupštinama radi davanja mišljenja u roku od 60 dana od dana dostave ovog Zaključka.
4. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, mišljenja kantonalnih skupština i mišljenja iznesena u javnoj raspravi.

Jasmin Duvnjak je zatražio pojedinačno izjašnjavanje.

Nakon pojedinačnog izjašnjavanja delegata, predsjedavajući je konstatirao da ovaj zaključak nije dobio potrebnu većinu, sa 21 glasom za, tri glasa protiv i šest suzdržanih.

### **8. Nacrt zakona o izmjeni i dopuni Zakona o platama i drugim naknadama sudija i tužilaca u Federaciji Bosne i Hercegovine**

Tekst Nacrta zakona utvrdila je Vlada Federacije BiH.

Predstavnički dom Parlamenta Federacije obavijestio je Dom naroda da je na svojoj 30. sjednici, odlučio da Prijedlog zakona o izmjeni i dopuni Zakona o platama i drugim naknadama sudija i tužilaca u Federaciji BiH ne razmatra po skraćenoj proceduri, nego po redovnoj proceduri odnosno u formi Nacrta zakona te ga je Zaključkom i prihvatio.

Zakon su razmatrala nadležna radna tijela koja su također dostavila svoja izvještaje.

Nacrt zakona obrazložio je Damir Šapina, pomoćnik federalnog ministra pravde.

U raspravi niko nije učestvovao.

Na osnovu rezultata glasanja, predsjedavajući je konstatirao da Dom naroda nije prihvatio spomenuti Zaključak sa 25 glasova za, jednim suzdržanim glasom, i bez glasova protiv.

### **9. Nacrt zakona o izmjenama i dopunama Zakona o vraćanju, dodjeli i prodaji stanova**

Tekst Nacrta zakona utvrdila je Vlada Federacije.

Predstavnički dom obavijestio je Dom naroda da je na 4. sjednici razmatrao Nacrt zakona o izmjenama i dopunama Zakona o vraćanju, dodjeli i prodaji stanova i Zaključkom ga prihvatio.

Nacrt zakona razmatrala su i nadležna radna tijela i dostavila svoje izvještaje.

Nacrt zakona obrazložio je predstavnik Vlade Federacije BiH.

Predsjedavajući je zamolio sekretara da izvrši prozivku delegata radi utvrđivanja kvoruma za rad.

Sekretar je saopštio da su u sali prisutna 23 delegata.

Predsjedavajući je saopštio da ne postoji kvorum za nastavak rada sjednice, te je zbog toga prekinuo sjednicu.

Sjednica je prekinula sa radom u 15:28 sati.

\* \* \*

Transkript sjednice čini sastavni dio Zapisnika.

\* \* \*

### **Nastavak sjednice od 21.7.2022. godine**

Sjednica je počela sa radom u 12:15 sati.

Sjednicom je predsjedavao Tomislav Martinović, predsjedavajući Doma naroda.

Predsjedavajući je pozdravio prisutne delegate i predstavnike medija i Vlade Federacije BiH koji prate sjednicu.

Izostanak sa sjednice su najavili sljedeći delegati: Elvis Živković, Senad Ahmetović, Vesna Saradžić, Drago Puzigaća, Nikica Bosnić, Ramo Isak, Edim Fejzić, Senad Čeljo, Dragana Damjanović i Tomislav Mandić.

Prema evidenciji Stručne službe sjednici prisustvuje 29 delegata, što čini većinu, pa Dom naroda može raditi i punovažno odlučivati.

Za nastavak sjednice preostale su tačke dnevnog reda od rednog broja 9. do rednog broja 28.

Predsjedavajući je napomenuo da je kod tačke 9. saopšteno uvodno obrazloženje predstavnika Vlade, te da predstavnici radnih tijela nisu željeli govoriti.

#### **9. Nacrt zakona o izmjenama i dopunama Zakona o vraćanju, dodjeli i prodaji stanova**

Na osnovu rezultata glasanja, predsjedavajući je konstatirao da sa 24 glasa za, šest suzdržanih glasova i bez glasova protiv, nije prihvatio sljedeći:

## **ZAKLJUČAK**

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o vraćanju, dodjeli i prodaji stanova i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene u raspravi i one koje će biti dostavljene u pisanoj formi.

### **10. Nacrt zakona o izmjenama i dopunama Krivičnog zakona Federacije Bosne i Hercegovine**

Nacrt zakona utvrdila je Vlada Federacije BiH.

Predstavnički dom obavijestio je Dom da je na 32. sjednici razmatrao Nacrt zakona o izmjenama i dopunama Krivičnog zakona Federacije BiH i Zaključkom ga prihvatio.

Nacrt zakona razmatrala su i nadležna radna tijela i dostavila svoje izvještaje.

Nacrt zakona obrazložio je Damir Šapina, pomoćnik federalnog ministra pravde.

U raspravi su učestvovali Damir Marjanović, Boris Krešić i Damir Šapina.

Na osnovu rezultata glasanja, predsjedavajući je konstatirao da je Dom naroda sa 29 glasova za, uz jedan suzdržan glas i jedan glas protiv, prihvatio sljedeći:

## **ZAKLJUČAK**

1. Dom naroda Parlamenta Federacije BiH prihvata Nacrt zakona o izmjenama i dopunama Krivičnog zakona Federacije BiH i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 60 dana.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene u raspravi na sjednici Doma naroda, kao i one koje će biti iznesene na javnoj raspravi ili dostavljene u pisanoj formi.

### **11. Nacrt zakona o izmjenama i dopunama Zakona o Agenciji za privatizaciju**

Tekst Nacrta zakona utvrdila je Vlada Federacije.

Predstavnički dom obavijestio je Dom naroda da je na svojoj 30. sjednici razmatrao Nacrt zakona o izmjenama i dopunama Zakona o Agenciji za privatizaciju i Zaključkom ga prihvatio.

Nacrt zakona su razmatrala i nadležna radna tijela.

Nacrt zakona obrazložio je Muamer Ćulum, predstavnik federalnog ministarstva energije, rudarstva i industrije.

U raspravi je učestvovao Ivo Tadić.

Na osnovu rezultata glasanja, predsjedavajući je konstatirao da sa 27 glasova za, tri suzdržana i dva glasa protiv, Dom naroda nije prihvatio sljedeći:

### **ZAKLJUČAK**

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o Agenciji o privatizaciju i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje će biti dostavljene u pisanoj formi.

### **12. Nacrt zakona o sportskim klubovima u Federaciji Bosne i Hercegovine, (predlagači: Jasmin Duvnjak i Žarko Vujović, delegati u Domu naroda)**

Predstavnički dom obavijestio je Dom naroda da je na 24. sjednici, održanoj 27.7.2021. godine razmatrao Nacrt zakona o sportskim klubovima u Federaciji BiH i Zaključkom ga prihvatio.

Tekst Nacrta zakona delegata iz Doma naroda istovjetan je Nacrtu teksta zakona kojeg je podnio poslanik Irfan Čengić iz Predstavničkog doma.

Tekst Nacrta zakona razmatrala su nadležna radna tijela.

Nacrt zakona obrazložio je Jasmin Duvnjak, jedan od predlagača zakona.

Na osnovu rezultata glasanja, predsjedavajući je konstatirao da Dom naroda, sa 25 glasova za, pet suzdržanih i četiri glasa protiv, nije prihvatio sljedeći:

### **ZAKLJUČAK**

1. Dom naroda Parlamenta Federacije BiH prihvata Nacrt zakona o sportskim klubovima u Federaciji BiH i smatra da može poslužiti kao osnov za izradu prijedloga zakona.
2. Zadužuje se predlagač da organizira i provede javnu raspravu u trajanju od 60 dana sukladno procedurama predviđenim u Ustavu Federacije BiH za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije BiH da ovaj zaključak i Nacrt zakona o sportskim klubovima u FBiH dostavi kantonalnim skupštinama radi davanja mišljenja u roku od 60 dana od dana dostave ovog zaključka.
4. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje će biti iznesene u javnoj raspravi i mišljenja kantonalnih skupština kao i one koje će biti dostavljene u pisanoj formi.

Jasmin Duvnjak je zatražio pojedinačno izjašnjanje.

S obzirom da je sekretar Doma naroda opravdano odsutan, gospodin Aldin Avdić je izvršio pojedinačno izjašnjanje u skladu sa članom 113. Poslovnika o radu Doma naroda.

Na osnovu rezultata pojedinačnog izjašnjanja, predsjedavajući je konstatirao da sa 22 glasa za, šest glasova protiv i osam suzdržanih glasova, ovaj zaključak nije dobio potrebnu većinu.

#### **14. Nacrt zakona o kinematografiji i audiovizuelnom stvaralaštvu Federacije Bosne i Hercegovine (predlagač: Aljoša Čampara, delegat u Domu naroda)**

Predlagač ovog zakona je Aljoša Čampara, dopredsjedavajući Doma naroda Parlamenta Federacije BiH.

Predstavnički dom obavijestio je Dom naroda da je na svojoj 26. sjednici razmatrao Nacrt zakona o kinematografiji i audiovizuelnom stvaralaštvu FBiH i Zaključkom ga prihvatio.

Tekst Nacrta zakona delegata iz Doma naroda je istovjetan Nacrtu zakona kojeg je podnio Husein Rošić, poslanik u Predstavničkom domu.

Nacrt zakona obrazložio je Aljoša Čampara, predlagač ovog zakona.

Predsjedavajući je saopštio da je greškom preskočio tačku:

#### **13. Nacrt zakona o posebnom registru osoba pravosnažno osuđenih za krivična djela protiv spolne slobode i morala prema djeci i maloljetnicima u Federaciji Bosne i Hercegovine, (predlagači: Jasmin Duvnjak i Aner Žuljević, delegati u Domu naroda)**

Predlagači ovog zakona su Jasmin Duvnjak i Aner Žuljević, delegati u Domu naroda.

Predstavnički dom obavijestio je Dom naroda da je na svojoj 24. sjednici razmatrao Nacrt zakona i Zaključkom ga prihvatio.

Tekst Nacrta zakona delegata iz Doma naroda je istovjetan Nacrtu zakona kojeg je podnijela Lana Prlić, poslanica u Predstavničkom domu.

Nacrt zakona obrazložio je Jasmin Duvnjak, jedan od predlagača zakona.

U raspravi su učestvovali Damir Marjanović i Aner Žuljević.

Na osnovu rezultata glasanja, predsjedavajući je konstatirao da je Dom naroda, sa 35 glasova za, bez suzdržanih i bez glasova protiv, prihvatio sljedeći:

### **ZAKLJUČAK**

1. Dom naroda Parlamenta Federacije BiH prihvata Nacrt zakona o posebnom registru osoba pravosnažno osuđenih za krivična djela protiv spolne slobode i

morala prema djeci i maloljetnicima u Federaciji BiH i smatra da može poslužiti kao osnov za izradu Prijedloga zakona.

2. Zadužuje se predlagač da u saradnji sa Komisijom za zaštitu ljudskih prava i sloboda Doma naroda organizira i sprovede javnu raspravu u trajanju od 60 dana.
3. Zadužuju se predlagači da prilikom izrade Prijedloga zakona imaju u vidu primjedbe, prijedloge i sugestije iznesene u raspravi na sjednici Doma naroda kao i one koje su dostavljene ili će biti dostavljene nakon provedene javne rasprave u pisanoj formi.

Predsjedavajući se potom vratio na tačku 14. dnevnog reda.

#### **14. Nacrt zakona o kinematografiji i audiovizuelnom stvaralaštvu Federacije Bosne i Hercegovine (predlagač: Aljoša Čampara, delegat u Domu naroda)**

Nijaz Musić je, u ime Zakonodavnopravne komisije Doma naroda Parlamenta Federacije BiH, saopštio mišljenje Komisije u vezi ovog zakona.

U raspravi su učestvovali Damir Džeba, Iva Raguž, Jasmin Duvnjak, Zora Dujmović i Mirela Trepanić-Grbešić.

Predsjedavajući je podsjetio prisutne da su prema članu 161. stav 2. Poslovnika o radu Doma naroda, dužni izjasniti se o mišljenju koje je iznio Nijaz Musić u ime Zakonodavnopravne komisije, koja je razmatrala ovu tačku i utvrdila da ne postoji ustavni osnov za donošenje ovog Nacrta zakona.

Na osnovu rezultata glasanja, predsjedavajući je konstatirao da, sa 15 glasova za, 12 suzdržanih glasova i dva glasa protiv, Dom naroda nije prihvatio Mišljenje Zakonodavnopravne komisije.

Na osnovu rezultata glasanja, predsjedavajući je konstatirao da Dom naroda, sa 15 glasova za, sedam suzdržanih glasova i pet glasova protiv nije prihvatio sljedeći:

#### **ZAKLJUČAK**

1. Dom naroda Parlamenta Federacije BiH prihvata Nacrt zakona o kinematografiji o audiovizuelnom stvaralaštvu FBiH i smatra da može poslužiti kao osnov za izradu prijedloga zakona.
2. Zadužuje se predlagač da organizira i provede javnu raspravu u trajanju od 60 dana u skladu sa procedurama predviđenim Ustavom Federacije za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije BiH da ovaj zaključak i Nacrt zakona o kinematografiji i audiovizuelnom stvaralaštvu FBiH dostavi kantonalnim skupštinama radi izdavanja mišljenja u roku od 60 dana od dana dostave ovog zaključka.
4. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije iznesene u raspravi na sjednici Doma naroda u javnoj raspravi i mišljenje kantonalnih skupština, kao i one koje će biti dostavljene u pisanoj formi.



### **15. Prijedlog odluke o prihvatanju zaduženju po Ugovoru o zajmu između Bosne i Hercegovine i Međunarodne banke za obnovu i razvoj (IBRD) za Projekt modernizacija vodnih i sanitarnih usluga**

Vlada Federacije BiH dostavila je Parlamentu Federacije BiH Prijedlog odluke o prihvatanju zaduženja po Ugovoru o zajmu između BiH i Međunarodne banke za obnovu i razvoj za Projekt modernizacija vodnih i sanitarnih usluga radi razmatranja i donošenja.

Predstavnički dom obavijestio je Dom naroda da je na 33. sjednici, održanoj 6.6.2022. godine, donio Odluku o prihvatanju zaduženja po Ugovoru o zajmu između BiH i Međunarodne banke za obnovu i razvoj (IBRD) za Projekt modernizacija vodnih i sanitarnih usluga.

U raspravi niko nije učestvovao.

Na osnovu rezultata glasanja, predsjedavajući je konstatirao da Dom naroda sa 23 glasa za, dva suzdržana glasa i jednim glasom protiv, nije prihvatio Prijedlog odluke o prihvatanju zaduženju po Ugovoru o zajmu između Bosne i Hercegovine i Međunarodne banke za obnovu i razvoj (IBRD) za Projekt modernizacija vodnih i sanitarnih usluga.

### **16. Zaključak o dopuni Odluke o Listi lijekova Fonda solidarnosti Federacije BiH (predlagači: grupa delegata iz Tuzlanskog kantona)**

Tekst zaključka obrazložila je Sandra Imširović.

U raspravi niko nije učestvovao.

Na osnovu rezultata glasanja, predsjedavajući je konstatirao da je ovaj zaključak sa 31 glasom za, bez suzdržanih i bez glasova protiv, dobio potrebnu većinu.

### **17. a) Izvještaj o radu i poslovanju Radiotelevizije Federacije Bosne i Hercegovine za period januar - decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31. decembar 2018. godine, b) Izvještaj o radu i poslovanju Radiotelevizije Federacije Bosne i Hercegovine za period januar - decembar 2019. godine i Finansijski izvještaj za period koji se završava na dan 31. decembar 2019. godine i Izvještaj nezavisnog revizora,**

Predstavnički dom obavijestio je Dom naroda da na 33. sjednici, održanoj 6.6.2022. godine, nije usvojio Izvještaj o radu i poslovanju Radiotelevizije Federacije Bosne i Hercegovine za period januar - decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31. decembar 2018. godine, ni Izvještaj o radu i poslovanju Radiotelevizije Federacije Bosne i

Hercegovine za period januar - decembar 2019. godine i Finansijski izvještaj za period koji se završava na dan 31.decembar 2019. godine i Izvještaj nezavisnog revizora.

Izvještaj je obrazložio Džemal Šabić, generalni direktor Federalne RTV.

U raspravi su učestvovali Damir Džeba, Ivo Tadić, Aner Žuljević, Ivan Ivić, Iva Raguž, Damir Marjanović, Jasmin Duvnjak, Ilija Ilić, Marko Saraf, Ilija Nakić, Fahrudin Skopljak, Zvonko Marić i Boris Krešić.

Na osnovu rezultata glasanja, predsjedavajući je konstatirao da Dom naroda, sa 16 glasova za, dva suzdržana i 12 glasova protiv, nije prihvatio Izvještaj o radu i poslovanju Radiotelevizije Federacije Bosne i Hercegovine za period januar - decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31. decembar 2018. godine.

Na osnovu rezultata glasanja, predsjedavajući je konstatirao da Dom naroda, sa 15 glasova za, tri suzdržana glasa i devet glasova protiv, nije prihvatio Izvještaj o radu i poslovanju Radiotelevizije Federacije Bosne i Hercegovine za period januar-decembar 2019. godine i Finansijski izvještaj za period koji se završava na dan 31. decembar 2019. godine i Izvještaj nezavisnog revizora.

Nakon toga, predsjedavajući je stavio na glasanje prijedlog zaključka kojeg je predložio Fahrudin Skopljak.

Na osnovu rezultata glasanja, predsjedavajući je konstatirao da Dom naroda, sa 17 glasova za, četiri suzdržana i devet glasova protiv, nije prihvatio prijedlog ovih zaključaka.

### **18. Godišnji izvještaj o poslovanju Javnog preduzeća "Željeznice Federacije Bosne i Hercegovine", d.o.o. Sarajevo za 2019. godinu**

Javno preduzeće "Željeznice Federacije Bosne i Hercegovine" je dostavilo godišnji Izvještaj o poslovanju Parlamentu Federacije BiH, radi razmatranja i usvajanja.

Izvještaje su razmatrala nadležna radna tijela.

Predstavnički dom obavijestio je Dom naroda da je na svojoj 28. sjednici usvojio godišnji Izvještaj o poslovanju Javnog preduzeća „Željeznice FBiH“ d.o.o Sarajevo za 2019. godinu.

U raspravi niko nije učestvovao.

Na osnovu rezultata glasanja, predsjedavajući je konstatirao da je ovaj izvještaj dobio 26 glasova za, šest suzdržanih i nije bilo glasova protiv.

Jasmin Duvnjak je zatražio pojedinačno izjašnjanje.

Na osnovu rezultata pojedinačnog izjašnjanja, predsjedavajući je konstatirao da je Dom naroda sa 34 glasa za, uz jedan suzdržan i bez glasova protiv, usvojio godišnji Izvještaj o poslovanju Javnog preduzeća „Željeznice Federacije BiH“ d.o.o. Sarajevo za 2019. godinu.

## **19. Analitički izvještaj o radu Fonda za zaštitu okoliša Federacije BiH za 2018. godinu**

Analitički izvještaj i prijedlog odluke je dostavio premijer Vlade Federacije BiH Parlamentu Federacije BiH radi razmatranja i usvajanja.

Predstavnički dom Parlamenta FBiH obavijestio je Dom naroda da na nastavku 4. sjednice, održane 11.9.2019. godine nije donio odluku o prihvatanju Analitičkog izvještaja o radu Fonda za zaštitu okoliša Federacije BiH za 2018. godinu, jer prilikom glasanja ista nije dobila potrebnu većinu glasova poslanika.

U raspravi niko nije učestvovao.

Na osnovu rezultata glasanja, predsjedavajući je konstatirao da sa 22 glasa za, pet suzdržanih i bez glasova protiv, Dom naroda nije prihvatio Analitički izvještaj o radu Fonda za zaštitu okoliša Federacije BiH za 2018. godinu.

## **20. Izvještaj o radu „Sarajevoputevi“, d.d., Sarajevo za 2018. godinu**

Vlada Federacije BiH je dostavila Izvještaj o radu „Sarajevoputevi“ d.d. Sarajevo za 2018. godinu, radi razmatranja i prihvatanja.

Predstavnički dom Parlamenta Federacije BiH obavijestio je Dom naroda da je na 12. sjednici, održanoj 23.6.2020. godine, usvojio Izvještaj o radu „Sarajevoputevi“ d.d. Sarajevo za 2018. godinu.

Izvještaj su razmatrala nadležna tijela i dostavila svoje izvještaje.

U raspravi niko nije učestvovao.

Aner Žuljević je zatražio pojašnjenje ima li kvoruma u sali.

Potpredsjedavajući je konstatirao da kvoruma ima, te da je trenutno prisutno 33 delegata u sali.

Na osnovu rezultata glasanja, predsjedavajući je konstatirao da Dom naroda sa 22 glasa za, pet suzdržanih i bez glasova protiv, nije prihvatio Izvještaj o radu „Sarajevoputevi“ d.d. Sarajevo za 2018. godinu.

## **21. Izvještaj o radu i finansijsko materijalnom poslovanju Federalne Agencije za upravljanje oduzetom imovine za period 1.7.-31.12.2020. godine**

Vlada FBiH je dostavila Izvještaj o radu finansijsko materijalnom poslovanju za period 1.7. do 31.12.2020. godine, radi razmatranja i usvajanja.

Predstavnički dom Parlamenta Federacije BiH obavijestio je Dom naroda da na 20. sjednici, održanoj 30.3.2021. godine, nije prihvatio Izvještaj o radu i finansijsko materijalnom poslovanju Federalne Agencije za upravljanje oduzetom imovine za period 1.7. do 31.12.2020. godine.

Izveštaj su razmatrala nadležna radna tijela i dostavila svoje izvještaje.

Na osnovu rezultata glasanja, predsjedavajući je konstatirao da je Dom naroda sa 19 glasova za, devet suzdržanih i dva glasa protiv, nije usvojio Izveštaj o radu i finansijsko materijalnom poslovanju Federalne Agencije za upravljanje oduzetom imovine za period 1.7. do 31.12.2020. godine.

## **22. Izveštaj o izvršenju programa rada Agencije za reviziju privatizacije u Federaciji BiH za 2019. godinu**

Agencija za reviziju privatizacije u FBiH dostavila je Parlamentu Federacije BiH Izveštaj za 2019. godinu.

Predstavnički dom Parlamenta FBiH obavijestio je Dom naroda da je na 15. sjednici održanoj 15.10.2020. godine, usvojio Izveštaj o izvršenju programa rada Agencije za reviziju privatizacije u FBiH za 2019. godinu.

Izveštaj su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatirao da je Dom naroda sa 19 glasova za, osam suzdržanih i jednim glasom protiv, nije prihvatio Izveštaj o izvršenju programa rada Agencije za reviziju privatizacije u FBiH za 2019. godinu.

## **23. Izveštaj o radu Fonda za profesionalnu rehabilitaciju i zapošljavanje osoba sa invaliditetom za 2019. godinu**

Fond za profesionalnu rehabilitaciju dostavio je Parlamentu Federacije BiH Izveštaj za 2019. godinu radi razmatranja i prihvatanja.

Predstavnički dom Parlamenta Federacije BiH obavijestio je Dom naroda da je na 15. sjednici, održanoj 15.10.2020. godine, usvojio Izveštaj o radu Fonda za profesionalnu rehabilitaciju i zapošljavanje osoba sa invaliditetom za 2019. godinu.

Izveštaj su razmatrala nadležna radna tijela.

U raspravi niko nije učestvovao.

Na osnovu rezultata glasanja, predsjedavajući je konstatirao da je Dom naroda sa 29 glasova za, bez suzdržanih i bez glasova protiv, prihvatio Izveštaj o radu Fonda za profesionalnu rehabilitaciju i zapošljavanje osoba sa invaliditetom za 2019. godinu.

## **24. Izvještaj o poslovanju „BH Gasa” d.o.o Sarajevo za 2019. godinu**

Na osnovu člana 42. statuta privrednog društva za proizvodnju i transport gasa BH Gasa d.o.o Sarajevo, predviđeno je da skupština podnosi Parlamentu Federacije BiH svoj godišnji izvještaj.

Predstavnički dom Parlamenta Federacije BiH obavijestio je Dom naroda da je na 19. sjednici, održanoj 24.2.2021. godine razmatrao i Zaključkom ga prihvatio.

U raspravi niko nije učestvovao.

Na osnovu rezultata glasanja, predsjedavajući je konstatirao da Dom naroda, sa 16 glasova za, 10 suzdržanih i četiri glasa protiv, nije prihvatio Izvještaj o poslovanju „BH Gasa” d.o.o Sarajevo za 2019. godinu.

## **25. Izvještaj o poslovanju Agencije za bankarstvo Federacije Bosne i Hercegovine za 2020. godinu sa Informacijom o subjektima bankarskog sistema Federacije Bosne i Hercegovine sa stanjem na dan 31.12.2020. godine i Izvještaj o radu Ombudsmena za bankarski sistem Federacije Bosne i Hercegovine za 2020. godinu**

Vlada FBiH dostavila je Parlamentu FBiH Izvještaj o poslovanju Agencije FBiH za 2020. godinu radi razmatranja i usvajanja.

Predstavnički dom Parlamenta Federacije BiH obavijestio je Dom naroda da je na 25. sjednici održanoj 27.9.2021.godine, prihvatio izvještaj o poslovanju Agencije za bankarstvo za 2020. godinu sa Informacijom o subjektima bankarskog sistema Federacije sa stanjem na dan 31.12.2020. godine i Izvještaj o radu Ombudsmena za bankarski sistem Federacije Bosne i Hercegovine za 2020. godinu.

Izvještaje su razmatrala nadležna radna tijela.

Na osnovu rezultata glasanja, predsjedavajući je konstatirao da Dom naroda sa 14 glasova za, 11 suzdržanih glasova, i tri glasa protiv, nije prihvatio Izvještaj o poslovanju Agencije za bankarstvo Federacije Bosne i Hercegovine za 2020. godinu sa Informacijom o subjektima bankarskog sistema Federacije Bosne i Hercegovine sa stanjem na dan 31.12.2020. godine i Izvještaj o radu Ombudsmena za bankarski sistem Federacije Bosne i Hercegovine za 2020. godinu.

## **26. Izvještaj o poslovanju JP Međunarodni aerodrom „Sarajevo“ d.o.o. za 2020. godinu i Informacija o smanjenju plate radnicima sa planom nadoknade gubitaka plata radnicima u 2020. godini zbog pandemije COVID 19**

Predstavnički dom Parlamenta FBiH obavijestio je Dom naroda da je na 30. sjednici održanoj 9.3.2022. godine, usvojio Izvještaj o poslovanju Javnog preduzeća Međunarodni aerodrom „Sarajevo“ d.o.o Sarajevo za 2020. godinu.

U raspravi niko nije učestvovao.

Na osnovu rezultata glasanja, predsjedavajući je konstatirao da je Dom naroda, sa 29 glasova za, jednim suzdržanim glasom i jednim glasom protiv, prihvatio Izvještaj o poslovanju JP Međunarodni aerodrom „Sarajevo“ d.o.o. za 2020. godinu i Informacija o smanjenju plate radnicima sa planom nadoknade gubitaka plata radnicima u 2020. godini zbog pandemije COVID 19.

### **27. Izvještaj o zaduženju Federacije BiH po osnovu emisije obveznica aukcija 12.11.2019. godine**

Vlada Federacije BiH dostavila je radi informiranja Parlamentu Federacije BiH Izvještaj o zaduženju Federacije BiH po osnovu emisije obveznica aukcija 12.11.2019. godine, koje je Vlada FBiH usvojila.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatirao da je Dom naroda primio k znanju Izvještaj o zaduženju Federacije BiH po osnovu emisije obveznica aukcija 12.11.2019. godine.

### **28. Izvještaj o zaduženju Federacije BiH po osnovu emisije obveznica na dan 3.12.2019. godine**

Vlada Federacije BiH je dostavila radi informiranja Parlamentu Federacije BiH Izvještaj o zaduženju Federacije BiH po osnovu emisije obveznica koje je Vlada FBiH usvojila.

Predstavnički dom obavijestio je Dom naroda da je na svojoj 11. sjednici primio k znanju Izvještaj o zaduženju Federacije BiH po osnovu emisije obveznica na dan 3.12.2019. godine.

U raspravi niko nije učestvovao.

Predsjedavajući je konstatirao da je Dom naroda Parlamenta Federacije BiH primio k znanju Izvještaj o zaduženju Federacije BiH po osnovu emisije obveznica na dan 3.12.2019. godine.

Sjednica je završila sa radom u 15 sati i 21 minutu.

Transkript sjednice čini sastavni dio Zapisnika

SEKRETAR  
Izmir Hadžić

PREDSJEDAVAJUĆI  
Tomislav Martinović